

**Bosna i Hercegovina**  
**Federacije Bosne i Hercegovine**  
**TUZLANSKI KANTON**  
**VLADA**

**Z A K O N**

**O IZMJENAMA I DOPUNAMA ZAKONA O IZVRŠENJU SANKCIJA**  
**(NACRT)**

**Tuzla, novembar 2009. godine**

Na osnovu člana 24. stav 1. tačka c) Ustava Tuzlanskog kantona ("Službene novine Tuzlansko-podrinjskog kantona", broj: 7/97 i 3/99 i „Službene novine Tuzlanskog kantona“, broj: 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj \_\_\_\_\_ 2009. godine, donosi

**ZAKON**  
**O IZMJENAMA I DOPUNAMA ZAKONA O IZVRŠENJU SANKCIJA**

**Član 1.**

U Zakonu o izvršenju sankcija-prethodni tekst ("Službene novine Tuzlanskog kantona", broj 11/09), u članu 3. stav 1., iza tačke 3. dodaje se nova tačka 4. koja glasi:  
"4. Javna ustanova Disciplinski centar za maloljetnike Tuzlanskog kantona (u daljem tekstu: Disciplinski centar)."

Ostale tačke pomjeraju se u skladu sa stavom 1. ovog člana.

**Član 2.**

Naziv poglavlja III i član 9. mijenjaju se i glase:

**“III. IZVRŠENJE RADA ZA OPŠTE DOBRO NA SLOBODI**

**član 9.**

Rad za opšte dobro na slobodi izvršava se u mjestu prebivališta, odnosno boravišta osobe, u skladu sa pravilnikom kojim se utvrđuju vrste poslova i propisuju uvjeti za izvršenje rada za opšte dobro na slobodi.

Pravilnik iz stava 1. ovog člana donosi ministar pravosuđa i uprave Kantona.”.

**Član 3.**

Iza člana 9. dodaje se novi član 9a. koji glasi:

“9a,

Osuđenim osobama koje izvršavaju rad za opšte dobro na slobodi vodi se službena evidencija u koju se unose podaci u skladu sa posebnim uputstvom koje donosi ministar pravosuđa i uprave Kantona.”.

**Član 4.**

U članu 13. u stavu 1., iza rije i “stepenu” stavlja se tačka. Ostali dio teksta se briše.

Stav 2. mijenja se i glasi:

“Prema prirodi oduzetih predmeta, sud odlučuje da li će ih prodati prema odredbama Zakona o izvršnom postupku (“Službene novine Federacije Bosne i Hercegovine”, br.32/03, 52/03, 33/06, 39/06 i 39/09), ustupiti određenom organu, ustanovi ili humanitarnoj organizaciji, uništiti ili sa njima postupiti u skladu sa posebnim propisima.”.

Iza stava 3. dodaje se novi stav 4. koji glasi:

“Sredstva ostvarena prodajom predmeta, prihod su budžeta Tuzlanskog kantona”.

#### **član 5.**

Iza člana 13. dodaje se novi član 13a., koji glasi:

“13a.

Ukoliko sud odlučuje da se oduzeti predmeti unište, uništavanje će izvršiti fizičko, odnosno pravno lice koje bude izabrano nakon provedenog postupka u skladu sa Zakonom o javnim nabavkama Bosne i Hercegovine (“Službeni glasnik Bosne i Hercegovine”, br.49/04, 19/05, 52/05, 92/05, 8/06, 24/06, 70/06 i 12/09).

Odlukom kojom je izrečena mjera sigurnosti oduzimanja predmeta, sud može naložiti određenom organu ili organizaciji da sami izvrše ovu mjeru, na način koji im odredi, u skladu sa ovim Zakonom.”.

#### **član 6.**

U članu 15., iza rije i “centru”, stavlja se tačka. Ostali dio teksta se briše.

#### **član 7.**

član 48. se briše.

#### **član 8.**

U članu 49. stav 3. se briše.

#### **član 9.**

član 55. se briše.

#### **član 10.**

U članu 56. stav 3. se briše.

## **lan 11.**

U lanu 59. stav 1., iza rije i “mjere” stavlja se ta ka. Ostali dio teksta se briše.

Stav 2. mijenja se i glasi:

“Prema prirodi oduzetih predmeta, sud odlučuje da li će ih prodati prema odredbama Zakona o izvršnom postupku (“Službene novine Federacije Bosne i Hercegovine”, br.32/03, 52/03, 33/06, 39/06 i 39/09), ustupiti određenom organu, ustanovi ili humanitarnoj organizaciji, uništiti ili sa njima postupiti u skladu sa posebnim propisima.”.

## **lan 12.**

Iza lana 59. dodaje se novi lan 59a., koji glasi:

“59a.

Ukoliko sud odlučuje da se oduzeti predmeti unište, uništavanje će izvršiti fizičko, odnosno pravno lice koje bude izabrano nakon provedenog postupka u skladu sa Zakonom o javnim nabavkama Bosne i Hercegovine (“Službeni glasnik Bosne i Hercegovine”, br.49/04, 19/05, 52/05, 92/05, 8/06, 24/06, 70/06 i 12/09).

Odlukom kojom je izrečena zaštitna mjera oduzimanja predmeta, sud može naložiti određenom organu ili organizaciji da sami izvrše ovu mjeru, na način koji im odredi, u skladu sa ovim Zakonom.”.

## **lan 13.**

lan 65. mijenja se i glasi:

“Organi iz lana 3. ovog Zakona, dužni su podnositi izvještaj Skupštini Kantona o izvršenju sankcija iz lana 1. ovog Zakona, najmanje jednom godišnje.

Organi iz stava 1. ovog lana, dužni su, po zahtjevu Skupštine Kantona ili Ministarstva pravosuđa i uprave, podnositi izvještaje o izvršenju sankcija i za kraći period ili samo za određenu vrstu sankcija.”.

## **lan 14.**

Iza lana 65. dodaje se novi lan 65a. koji glasi:

“65a.

Izvještaj o izvršenju sankcija iz lana 65., podnosi se putem Ministarstva pravosuđa i uprave, po metodologiji koju pravilnikom utvrđuje ministar pravosuđa i uprave.”.

## **lan 15.**

Iza lana 71. dodaje se novi lan 71a. koji glasi:

“71a.

Propisi iz člana 9., 9a. i 65a. bit će donešeni u roku od tri mjeseca od dana stupanja na snagu ovog Zakona.”.

**član 16.**

Ovaj Zakon stupa na snagu osmog dana od dana objavljivanja u “Službenim novinama Tuzlanskog kantona”.

**Bosna i Hercegovina**  
**Federacija Bosne i Hercegovine**  
**TUZLANSKI KANTON**  
**Skupština**

**Predsjednik**  
**Skupštine Tuzlanskog Kantona**

**Mr. sci. Amir Fazli , v.r.**

**Broj: \_\_\_\_\_**  
**Tuzla, \_\_\_\_\_ 2009. godine**

## **OBRAZLOŽENJE**

### **uz Zakon o izmjenama i dopunama Zakona o izvršenju sankcija**

#### **I - PRAVNI OSNOV ZA DONOŠENJE ZAKONA**

Pravni osnov za donošenje Zakona o izmjenama i dopunama Zakona o izvršenju sankcija, sadržan je u članu 24. stav 1. tačka c) Ustava Tuzlanskog kantona («Službene novine Tuzlansko-podrinjskog kantona», broj: 7/97 i 3/99 i «Službene novine Tuzlanskog kantona», broj: 13/99, 10/00, 14/02, 6/04 i 10/04), kojim je utvrđeno da Skupština donosi zakone i ostale propise neophodne za izvršavanje nadležnosti Kantona.

#### **II - RAZLOZI ZA DONOŠENJE ZAKONA**

Zakon o izvršenju sankcija donesen je 2000. godine i do sada je tri puta noveliran. Budući da je 2007. godine, isti treći put noveliran, kada su izvršene sveobuhvatne izmjene i usaglašavanje sa promjenama koje su nastale reformom prekršajnog sistema i Zakonom o prekršajima Federacije Bosne i Hercegovine („Službene novine Federacije Bosne i Hercegovine“, broj 31/06), što je u znatnoj mjeri otežavalo njegovu primjenu, članom 32. Zakona o izmjenama i dopunama Zakona o izvršenju sankcija („Službene novine Tuzlanskog kantona“, broj 9/07), dato je ovlaštenje Zakonodavno-pravnoj komisiji Skupštine Tuzlanskog kantona da utvrdi prečišćeni tekst ovog Zakona.

Zakonodavno-pravna komisija, na sjednici održanoj 28.9.2009. godine, utvrdila je prečišćeni tekst Zakona o izvršenju sankcija, koji je objavljen u „Službenim novinama Tuzlanskog kantona“, broj 11/09.

Kako se ponovo ukazala potreba za izmjenama ovog Zakona, Programom rada Skupštine Tuzlanskog kantona, Vlade i Ministarstva pravosuđa i uprave za 2009. godinu, planirano je donošenje Zakona o izmjenama i dopunama Zakona o izvršenju sankcija.

U cilju afirmacije alternativne sankcije-rad za opće dobro na slobodi, potrebno je stvoriti pravni osnov za donošenje provedbenih propisa neophodnih za implementaciju ove vrste alternativne kazne, kojim bi se regulisale vrste poslova i uslovi za obavljanje rada za opće dobro na slobodi.

Napominjemo da je članom 44. stav 7. Krivični zakon Federacije Bosne i Hercegovine regulisano da raspoređivanje na rad za opće dobro na slobodi, u smislu vrste i radnog mjesta, obavlja kantonalno ministarstvo nadležno za poslove pravosuđa prema mjestu prebivališta, odnosno boravišta osuđenika.

Važno je istaći da je afirmacija i izvršenje alternativnih sankcija, posebno rada za opće dobro na slobodi, obaveza kantonalnih ministarstava pravosuđa utvrđena u Strategiji za reformu sektora pravde u Bosni i Hercegovini, koju je usvojilo Vijeće ministara Bosne i Hercegovine, u dijelu koji se odnosi na izvršenje krivičnih sankcija, kao jedna od mjera za rasterećenje postojećih zatvorskih kapaciteta.

Iako je donošenje ovog Zakona prvenstveno planirano zbog gore navedenog razloga, uočeno je da je potrebno izvršiti i usklađivanje sa odredbama materijalnih i procesnih propisa iz krivične oblasti, ali i regulisati određena pitanja koja, do sada, nisu bila precizno definisana.

### III - OBRAZLOŽENJA POJEDINIH RJEŠENJA

**lan 1.** Budući da J.U. Disciplinski centar za maloljetnike Tuzlanskog kantona izvršava odgojnu mjeru-disciplinsku mjeru upućivanja u disciplinski centar za maloljetnike, te da je isti po sebi sa radom, neophodno je bilo dopuniti član 3. Zakona, te navesti i Disciplinski centar kao jedan od organa za izvršenje sankcija regulirano ovim Zakonom.

**lan 2.-3.** Izmjena naziva poglavlja III izvršena je radi terminološkog usklađivanja sa odredbama Krivičnog zakona Federacije Bosne i Hercegovine jer se radi o posebnoj vrsti sankcije, iz kategorije alternativnih krivičnih sankcija, koja nosi naziv **rad za opće dobro na slobodi**, kako je to određeno članom 44. pomenutog Zakona.

Takođe, za izvršenje rada za opće dobro na slobodi, neophodno je utvrditi pravni osnov za donošenje pravilnika kojim će se regulisati sva pitanja kao što su vrste poslova i uvjeti za izvršenje, organi, lica i način izvršenja, radno vrijeme, osiguranje osuđenog tokom rada za opće dobro i sl., čime će se ispuniti sve normativne pretpostavke za izvršenje rada za opće dobro na slobodi.

Obzirom da se radi o osobama kojima je odmjerena i izrečena kazna zatvora od najviše šest mjeseci, koja se, uz dobrovoljni pristanak, zamjenjuje radom za opće dobro na slobodi, neophodno je voditi službenu evidenciju o ličnim podacima osuđenog, sudskoj presudi, vremenu i mjestu izvršavanja rada za opće dobro na slobodi, te je stvoren pravni osnov za donošenje provedbenog propisa kojim će se bliže urediti oblik i sadržaj te evidencije.

**lanovi 4.-5.** Važećim zakonskim rješenjima nisu precizno regulisana pitanja izvršenja mjere sigurnosti-oduzimanje predmeta izrečene u inoću krivičnog djela. Stoga je nacrtom ovog Zakona predloženo da sud, u zavisnosti od prirode oduzetih predmeta, iste proda, ustupi, preda u humanitarne svrhe, uništi ili s njima postupi u skladu sa posebnim propisima. Kod uništavanja predmeta, predloženo je postupanje u skladu sa Zakonom o javnim nabavkama Bosne i Hercegovine pri izboru pružaoca usluga uništavanja predmeta koji su oduzeti izrečenom mjerom sigurnosti, odnosno zaštitnom mjerom.

Imajući u vidu da su tokom izrade nacрта konsultovani sudovi sa područja Tuzlanskog kantona, koji su kao poseban problem naveli postupanje sa oduzetim opojnim sredstvima, odnosno njihovo uništavanje, u odnosu na važeća rješenja, predloženo je, između ostalog, da sud sa oduzetim predmetima postupi u skladu sa posebnim propisima. Naime, Zakonom o sprečavanju i suzbijanju zloupotrebe opojnih droga ("Službeni glasnik Bosne i Hercegovine", broj 8/06), državnim Zakonom donesenim radi provođenja međunarodnih dokumenata o kontroli nad opojnim drogama, regulisan je i postupak s oduzetim opojnim drogama, odnosno predaja, čuvanje i uništavanje istih, te su sudovi u obavezi da postupaju u skladu sa odredbama pomenutog Zakona kada je izrečena mjera sigurnosti, odnosno zaštitna mjera oduzimanja opojnih sredstava.

**lan 6.** Imajući u vidu član 1. ovog nacрта, kojim se vrši dopuna člana 3. Zakona, gdje je izvršeno skraćivanje naziva Javne ustanove Disciplinski centar za maloljetnike Tuzlanskog kantona u "Disciplinski centar", što je neophodno dosljedno koristiti u cijelom tekstu, suvišno je ponovno utvrđivanje skraćenog naziva i u članu 15.

**lanovima 7. – 10.** predloženo je brisanje odredaba člana 48., 49. stav 3., 55. i 56. stav 3., obzirom da važećim Zakonom o krivičnom postupku Federacije Bosne i Hercegovine ("Službene novine Federacije BiH", br.35/03, 37/03, 56/03, 78/04, 28/05, 55/06, 27/07, 53/07 i 9/09), nije predviđen vanredan pravni lijek- zahtjev za zaštitu zakonitosti.

**lan 11.-12.** Budu i da važe im zakonskim rješenjima nije precizno regulisano izvršenje zaštitnih mjera izrečenih po iniocu prekršaja, nacrtom Zakona su predložena nova rješenja, uz obrazloženje koje je dato za članove 4.-5.

**lan 13.-16.** U odnosu na važeća rješenja kojima je utvrđena obaveza organa za izvršenje sankcija da Skupštini Tuzlanskog kantona najmanje jednom godišnje dostavljaju izvještaj, predloženim nacrtom utvrđuje se obaveza da, na zahtjev, podnose izvještaje i za kraći period ili za pojedine vrste sankcija.

Tako je utvrđen pravni osnov za donošenje pravilnika, kojim će se utvrditi metodologija podnošenja izvještaja, obavezan sadržaj tekstualnog dijela izvještaja, obrasci na kojima se podnose izvještaji, kao i obaveze Ministarstva pravosuđa i uprave prije dostavljanja izvještaja Skupštini Tuzlanskog kantona, a u pogledu davanja mišljenja i prijedloga mjera za unapređenje stanja u ovoj oblasti.

#### **IV - FINANSIJSKA SREDSTVA ZA PROVEDBU ZAKONA**

Za provedbu ovog Zakona nisu potrebna dodatna finansijska sredstva iz Budžeta Tuzlanskog kantona.

**Tuzla, novembar 2009. godine**

**OBRAČUN :  
MINISTARSTVO PRAVOSUĐA I UPRAVE  
TUZLANSKOG KANTONA**



